

МОНГОЛ УЛСЫН ГАЗАР ХӨДЛӨЛТИЙН ГАМШГААС ХАМГААЛАХ ТӨЛӨВЛӨГӨӨ БОЛОВСРУУЛАХ ЗААВАР

Зааврын бүтэц

Нэг. Оршил

Хоёр. Төлөвлөгөөний ерөнхий бүтэц

Гурав. Төлөвлөгөөний агуулга

НЭГДҮГЭЭР БҮЛЭГ. НИЙТЛЭГ ҮНДЭСЛЭЛ

1.1. Танилцуулгын хэсэг.

1.1.1. Монгол Улсын газар зүй, байгаль цаг уур, нийгэм эдийн засаг, хүн ам, засаг захиргааны нэгжийн товч танилцуулга

1.1.2. Тохиолдсон газар хөдлөлтийн гамшгийн сургамж, дүгнэлт

1.2. Газар хөдлөлтийн гамшгаас хамгаалах төлөвлөгөөний зорилго, баримтлах зарчим

1.2.1. Төлөвлөгөөний зорилго

1.2.2. Төлөвлөгөө боловсруулахад баримтлах зарчим

1.3. Газар хөдлөлтийн гамшгаас хамгаалах удирдлага, бүтэц зохион байгуулалт

1.3.1. Газар хөдлөлтийн гамшгаас хамгаалах тогтолцоо

1.3.2. Газар хөдлөлтийн гамшгаас хамгаалах хүч хэрэгсэл, гүйцэтгэх чиг үүрэг

ХОЁРДУГААР БҮЛЭГ. ГАЗАР ХӨДЛӨЛТИЙН ГАМШГААС УРЬДЧИЛАН СЭРГИЙЛЭХ, БЭЛЭН БАЙДЛЫГ ХАНГАХ ТӨЛӨВЛӨГӨӨ

2.1. Газар хөдлөлтийн гамшгийн эрсдэлийн үнэлгээ ба хохирлын төсөөлөл

2.1.1. Гамшгийн эрсдэлийн үнэлгээ, үүсч болзошгүй хохирлын төсөөлөл

2.2. Газар хөдлөлтийн гамшгаас урьдчилан сэргийлэх арга хэмжээ

2.2.1. Газар хөдлөлтийн гамшгийн аюул, мэдээ, мэдээллийг олон нийтэд хүргэх арга хэмжээ

2.2.2. Газар хөдлөлтийн гамшгаас хамгаалах сургалт, дадлага, сурталчилгаа

2.2.3. Газар хөдлөлтийн гамшгаас урьдчилан сэргийлэх арга хэмжээг хэрэгжүүлэхэд холбогдох талуудын оролцоо

2.3. Барилга байгууламж, дэд бүтэц, инженерийн шугам сүлжээний газар хөдлөлтийн гамшигт тэсвэртэй байдлыг дээшлүүлэх

2.3.1. Газар хөдлөлтийн тэсвэржилтийн үнэлгээ, барилга байгууламжийн хийц бүтээц, норм, дүрэм, журам, стандарт

2.3.2. Газар хөдлөлтөд тэсвэртэй хөдөлгөөнт болон суурин удирдлагын байрыг бэлтгэх

2.3.3. Хувийн болон олон нийтийн барилга байгууламжийн газар хөдлөлтийн тэсвэржилтийг хангах

- 2.3.4. Шуурхай тээвэрлэлт хийх автозамыг тогтоох, зам болон замын байгууламжийг сэргээн засварлах, бэлтгэх арга хэмжээ
- 2.3.5. Цэвэр, бохир усны шугам хоолойн байгууламж, эрчим хүчний байгууламж, ахуйн хэрэглээний хийн байгууламж, телефон утасны байгууламж, хөдөлгөөнт холбооны байгууламж, нийтийн тээвэр, төмөр замын газар хөдлөлтийн тэсвэржилт болон аюулгүй байдлыг хангах арга хэмжээ

2.4. Газар хөдлөлтийн гамшгийн бэлэн байдлыг хангах арга хэмжээ

- 2.4.1. Холбоо, зарлан мэдээллийн сүлжээ, мэдээллийн санг бүрдүүлэх
- 2.4.2. Гал түймэртэй тэмцэх тогтолцоог бүрдүүлэх
- 2.4.3. Эмнэлгийн тусламж үйлчилгээ үзүүлэх тогтолцоог бүрдүүлэх
- 2.4.4. Эм тариа, эмнэлгийн материал, тоног төхөөрөмж, цус, цусан бүтээгдэхүүний хангамжийн тогтолцоог бий болгох
- 2.4.5. Гоц халдварт өвчин гарах, тархахаас урьдчилан сэргийлэх, эрүүл ахуйн халдвар эсэргүүцэх арга хэмжээний зохион байгуулалт
- 2.4.6. Хог хаягдал, ялгадас цэвэрлэх арга хэмжээний зохион байгуулалт
- 2.4.7. Цэвэр ус, хоол хүнс, эм, эмийн хэрэгсэл, шатахуун, нэн шаардлагатай эд материалын нөөц бүрдүүлэлт, нөхөн хангалт
- 2.4.8. Усан хангамжийн тогтолцоог бүрдүүлэх
- 2.4.9. Нүүлгэн шилжүүлэх, түр хорогдох байрыг бэлтгэх, байршлыг тогтоох

ГУРАВДУГААР БҮЛЭГ. ГАЗАР ХӨДЛӨЛТИЙН ГАМШГИЙН ХОР УРШГИЙГ АРИЛГАХ ТӨЛӨВЛӨГӨӨ

3.1. Газар хөдлөлтийн гамшгийн үеийн шуурхай удирдлага зохицуулалт

- 3.1.1. Гамшгийн үеийн шуурхай удирдлага, зохицуулалт
- 3.1.2. Холбоо, зарлан мэдээллийн үйл ажиллагаа
- 3.1.3. Төрийн захиргааны байгууллага, гамшгаас хамгаалах албадын гүйцэтгэх чиг үүрэг
- 3.1.4. Гамшгаас хамгаалах дайчилгааг зохион байгуулах
- 3.1.5. Мэдээ, мэдээллийг дамжуулах, хүлээн авах .
- 3.1.6. Хүмүүнлэгийн тусламжийн зохицуулалт

3.2. Гамшгийн голомтод авч хэрэгжүүлэх арга хэмжээ

- 3.2.1. Гамшгийн голомтод ажиллах хүч хэрэгслийн зохион байгуулалт
- 3.2.2. Гал түймэртэй тэмцэх үйл ажиллагаа
- 3.2.3. Эрэн хайх, аврах, яаралтай тусламж үзүүлэх ажиллагаа
- 3.2.4. Хэв журам сахиулах арга хэмжээ
- 3.2.5. Нөхөн хангалт зохион байгуулах

3.3. Эмнэлгийн хангалтыг зохион байгуулах ба нэрвэгдэгсдэд эмнэлгийн яаралтай тусламж үзүүлэх арга хэмжээ

- 3.3.1. Эмнэлгийн яаралтай тусламж үзүүлэх арга хэмжээ
- 3.3.2. Эм, эмнэлгийн хэрэгсэл, цус, цусан бүтээгдэхүүн, ороох, боох материалын хангалт
- 3.3.3. Нүүлгэн шилжүүлэх болон түр хорогдох байрны эмнэлгийн тусламж үйлчилгээ

3.4. Нүүлгэн шилжүүлэх арга хэмжээг зохион байгуулах

- 3.4.1. Нүүлгэн шилжүүлэх бүсийн төлөвлөлт, удирдлага, зохион байгуулалт
- 3.4.2. Нүүлгэн шилжүүлэх арга хэмжээг зохион байгуулах
- 3.4.3. Нүүлгэн шилжүүлэх бүсэд хүнс, материалын хангалтыг зохион байгуулах

3.5. Ариун цэвэр, халдвар судлал, хог хаягдал, хүрээлэн буй орчны талаар авах арга хэмжээ

3.5.1. Эрүүл ахуй, халдвар эсэргүүцэх арга хэмжээ

3.5.2. Ахуйн болон барилгын хог хаягдал, ялгадас цэвэрлэх, зайлуулах арга хэмжээ

3.5.3. Хүнсний эрүүл ахуй, хоолны хордлогоос урьдчилан сэргийлэх арга хэмжээ

3.5.4. Шарилыг таниулах, байршуулах, оршуулах арга хэмжээ

ДӨРӨВДҮГЭЭР БҮЛЭГ. ГАЗАР ХӨДЛӨЛТИЙН ГАМШГИЙН ДАРАА ХОЙШЛУУЛШГҮЙ СЭРГЭЭН БОСГОХ ТӨЛӨВЛӨГӨӨ

4.1. Хүн амын нийгмийн асуудлыг шийдвэрлэх

4.2. Гамшгийн хохирлыг үнэлэх, хойшлуулшгүй сэргээн босгох үйл ажиллагааг зохион байгуулах

4.3. Хойшлуулшгүй сэргээн босгох, сэргээн босголтын ажлын ерөнхий шат дараалал

4.3.1. Хойшлуулшгүй сэргээн босгох, сэргээн босголтын ажлыг эхлүүлэх тогтолцоог бүрдүүлэх (Газар хөдлөлт болсноос 14 хоногийн хугацаанд)

4.3.2. Сэргээн босгох ажлын үндсэн чиглэлийг тогтоох (14 дэх хоногоос 2 сарын хугацааны хооронд)

4.3.3. Сэргээн босгох ажлын үндсэн төлөвлөгөөг боловсруулж баталж хэрэгжүүлэх (2 сар~1 жил)

ТӨЛӨВЛӨГӨӨНИЙ ХАВСРАЛТ

1. Онцгой байдлын ерөнхий газар, Үндэсний аюулгүй байдлын зөвлөл, Онцгой комисс, улсын алба, үндэсний аюулгүй байдлыг хангах тусгайлсан чиг үүрэгтэй байгууллагуудын шаардлагатай үед холбогдох албан тушаалтны гэрийн хаяг, ирэх, явах маршрут, утасны жагсаалт, зарлан мэдээлэл дамжуулах бүдүүч,

2. Онцгой байдлын ерөнхий газар, Үндэсний аюулгүй байдлын зөвлөл, Онцгой комисс, улсын алба, үндэсний аюулгүй байдлыг хангах тусгайлсан чиг үүрэгтэй байгууллагуудын холбооны үелзлэл, нөөц холбооны техник хэрэгсэл

3. Хөдөлгөөнт болон суурин удирдлагын байр, шаардлагатай техник, хэрэгслийн судалгаа

4. Ард иргэд, олон нийтэд гамшгийн аюулын тухай зарлан мэдээлэл хүргэх системийн тогтолцоо

5. Гамшгаас хамгаалах хүч хэрэгслийн судалгаа

6. Тээврийн хэрэгслийн дайчилгаа ба бүрдүүлэлтийн судалгаа

7. Яаралтай тусламжийн нөөцийн бараа материалын жагсаалт

МОНГОЛ УЛСЫН ГАЗАР ХӨДЛӨЛТИЙН ГАМШГААС ХАМГААЛАХ ТӨЛӨВЛӨГӨӨ БОЛОВСРУУЛАХ ЗААВАР

Нэг. Оршил.

1.1. Энэхүү заавар нь Монгол Улсын нутаг дэвсгэрт тохиолдож болзошгүй газар хөдлөлтийн гамшгаас урьдчилан сэргийлэх, аврах, хор уршгийг арилгах, хойшлуулшгүй сэргээн босгох арга хэмжээг Гамшгаас хамгаалах тухай хууль болон бусад холбогдох хууль тогтоомжид нийцүүлэн төлөвлөж хэрэгжүүлэхэд удирдлага болгох баримт бичиг юм.

1.2. Энэ зааврыг ашиглан Монгол Улсын газар хөдлөлтийн гамшгаас хамгаалах төлөвлөгөөг (цаашид төлөвлөгөө гэх) боловсруулах бөгөөд төлөвлөгөө нь Монгол Улсын гамшгаас хамгаалах төлөвлөгөөний салбар хэсэг байна.

1.3. Төлөвлөгөө боловсруулахдаа Монгол Улсын нийгэм, эдийн засаг, газарзүйн онцлог, газар хөдлөлтийн гамшгийн эрсдэл, үүсч болзошгүй цагийн байдал, хохирлын үнэлгээ, удирдлага зохион байгуулалт, нөөц, хүч хэрэгслийг үндэслэл болгоно.

1.4. Төлөвлөгөөг гамшгаас хамгаалах улсын алба, онцгой байдлын байгууллагаас бүрдсэн ажлын хэсэг боловсруулж, Монгол Улсын Засгийн газар батална.

1.5. Монгол Улсын газар хөдлөлтийн гамшгаас хамгаалах төлөвлөгөөг Онцгой байдлын асуудал эрхэлсэн байгууллагын даргын саналыг үндэслэн дадлага, сургуулиар Онцгой байдлын асуудал эрхэлсэн Засгийн газрын гишүүний тушаалаар 4 жилд нэг удаа тодотгоно.

1.6. Төлөвлөгөө нь 2 буюу түүнээс дээш аймгийн нутаг дэвсгэрийг хамарсан газар хөдлөлтийн гамшиг тохиолдсон үед идэвхжинэ.

Хоёр. Төлөвлөгөөний ерөнхий бүтэц

2.1. Төлөвлөгөө нь дараах бүтэцтэй байна. Үүнд:

- Нэгдүгээр бүлэг. Нийтлэг үндэслэл
- Хоёрдугаар бүлэг. Газар хөдлөлтийн гамшгаас урьдчилан сэргийлэх, бэлэн байдлыг хангах төлөвлөгөө
- Гуравдугаар бүлэг. Газар хөдлөлтийн гамшгийн хор уршгийг арилгах төлөвлөгөө
- Дөрөвдүгээр бүлэг. Газар хөдлөлтийн гамшгийн үед хойшлуулшгүй сэргээн босгох төлөвлөгөө
- Хавсралтууд

Гурав. Төлөвлөгөөний агуулга

НЭГДҮГЭЭР БҮЛЭГ. НИЙТЛЭГ ҮНДЭСЛЭЛ

1.1.Танилцуулгын хэсэг.

Монгол Улсын нийгэм, эдийн засаг, дэд бүтцийн үзүүлэлт, засаг захиргааны нэгжийн нутаг дэвсгэрийн байршил, хүн амын судалгаа, тохиолдож байсан газар хөдлөлтийн гамшгийн сургамж, дүгнэлт, эрсдэлийн үнэлгээ байна.

Тоо баримтыг статистикийн албан ёсны мэдээллийг үндэслэн гаргах бөгөөд тоо баримт үзүүлэлтийг хүснэгтэн мэдээллээс гадна график болон бусад аргаар үзүүлж болно.

Тохиолдсон газар хөдлөлтийн гамшгийн сургамж, дүгнэлтийг сүүлийн 10 жилийн байдлаар гаргаж /хүснэгт болон бусад хэлбэрээр/, түүнээс учирсан хохирол, хор уршгийг арилгах ажлыг зохион байгуулахад гарч байсан сургамжийн талаар товч дурдана.

1.2. Газар хөдлөлтийн гамшгаас хамгаалах төлөвлөгөөний зорилго, баримтлах зарчим

1.2.1. Төлөвлөгөөний зорилго

Газар хөдлөлтийн гамшгаас урьдчилан сэргийлэх, хүний амь нас, эрүүл мэндийг хамгаалах, учирч болзошгүй хохирлыг багасгах, бэлэн байдлыг хангах, гамшигт тэсвэртэй хот, суурин газар, хүрээлэн буй орчныг цогцлоох асуудлыг гол зорилгоо болгоно.

1.2.2. Төлөвлөгөө боловсруулахад баримтлах зарчим

Төлөвлөгөө боловсруулахад газар хөдлөлтийн гамшгийн болзошгүй цагийн байдал, хохирлын төсөөлөлд үндэслэсэн, амьдралд илүү нийцсэн, хэрэгжих үндэслэлтэй, газар хөдлөлтийн гамшгаас хамгаалах үйл ажиллагаанд оролцох талуудын харилцан ажиллагаа, уялдааг хангасан, орон нутгийн гамшгаас хамгаалах төлөвлөгөөтэй уялдсан байх зэрэг зарчмыг баримтлана.

1.3. Газар хөдлөлтийн гамшгаас хамгаалах удирдлага, бүтэц зохион байгуулалт

1.3.1. Газар хөдлөлтийн гамшгаас хамгаалах удирдлагын тогтолцоо

Монгол Улсын гамшгаас хамгаалах тогтолцоо, бүтэц зохион байгуулалтыг харуулж, Монгол Улсын Ерөнхийлөгч, УИХ, Засгийн газар, Гамшгийн эрсдэлийг бууруулах үндэсний зөвлөл, Улсын онцгой комисс газар хөдлөлтийн гамшгийн үед гүйцэтгэх үндсэн чиг үүргийг дурдана.

1.3.2. Газар хөдлөлтийн гамшгаас хамгаалах хүч хэрэгсэл, гүйцэтгэх чиг үүрэг

Онцгой байдлын байгууллага, Зэвсэгт хүчин, гамшгаас хамгаалах алба, МУЗН-ийн гүйцэтгэх үндсэн чиг үүргийг дурдана.

ХОЁРДУГААР БҮЛЭГ. ГАЗАР ХӨДЛӨЛТИЙН ГАМШГААС УРЬДЧИЛАН СЭРГИЙЛЭХ ТӨЛӨВЛӨГӨӨ

2.1. Газар хөдлөлтийн гамшгийн эрсдэлийн үнэлгээ ба хохирлын төсөөлөл

2.1.1. Гамшгийн эрсдэлийн үнэлгээ, үүсч болзошгүй хохирлын төсөөлөл

Энэ хэсэгт 21 аймаг, нийслэл, дүүргийн газар хөдлөлтийн гамшгийн эрсдэлийн үнэлгээний үр дүн, хохирлын төсөөллийг улсын хэмжээнд нэгтгэж оруулна.

2.2. Газар хөдлөлтийн гамшгаас урьдчилан сэргийлэх арга хэмжээ

2.2.1. Газар хөдлөлтийн гамшгийн аюул, мэдээ, мэдээллийг олон нийтэд хүргэх арга хэмжээ

Газар хөдлөлтийн гамшгийн аюулын мэдээ, мэдээллийг төр, засгийн удирдлага, олон нийтэд тасралтгүй хүргэх тогтолцоог хэрхэн бий болгох талаар дурдана.

2.2.2. Газар хөдлөлтийн гамшгаас хамгаалах сургалт, дадлага, сурталчилгаа

Орон нутгийн удирдлага, гамшгаас хамгаалах улсын болон орон нутгийн алба, мэргэжлийн анги, иргэд, олон нийтэд газар хөдлөлтийн гамшгаас хамгаалах сургалт, дадлагыг ямар хэдий хугацаанд ямар хэлбэрээр хэрхэн зохион байгуулах талаар дурдана.

2.2.3. Газар хөдлөлтийн гамшгаас урьдчилан сэргийлэх арга хэмжээг хэрэгжүүлэхэд холбогдох талуудын оролцоо

Газар хөдлөлтийн гамшгаас урьдчилан сэргийлэх чиглэлээр Гамшгийн эрсдэлийг бууруулах үндэсний зөвлөл, Газар хөдлөлтийн гамшгаас урьдчилан сэргийлэх байнгын ажиллагаатай зөвлөл, гамшгаас хамгаалах алба, орон нутгийн удирдлага, төрийн захиргааны байгууллага, МУЗН аж ахуйн нэгж зэрэг байгууллагууд ямар арга хэмжээг авч хэрэгжүүлэх талаар дурдана.

2.3. Барилга байгууламж, дэд бүтэц, инженерийн шугам сүлжээний газар хөдлөлтийн гамшигт тэсвэртэй байдлыг дээшлүүлэх

2.3.1. Газар хөдлөлтийн тэсвэржилтийн үнэлгээ, барилга байгууламжийн хийц бүтэц, норм, дүрэм, журам, стандарт

Газар хөдлөлтийн тэсвэржилтийн үнэлгээ, барилга байгууламжийн хийц бүтэц, норм, дүрэм, журам, стандартыг хэрхэн мөрдөх, сайжруулах асуудлыг ямар байгууллага хариуцаж, хэрхэн хэрэгжүүлэх талаар тусгана.

2.3.2. Газар хөдлөлтөд тэсвэртэй хөдөлгөөнт болон суурин удирдлагын байрыг бэлтгэх

Газар хөдлөлтийн гамшигт тэсвэртэй хөдөлгөөнт болон суурин удирдлагын байрыг ямар байгууллага хариуцаж, хэрхэн хэрэгжүүлэх талаар дурдана.

2.3.3. Хувийн болон олон нийтийн барилга байгууламжийн газар хөдлөлтийн тэсвэржилтийг хангах талаар дурдана. /юуг хэн хариуцаж, хэрхэн хийх талаар дурдах, шаардлагатай бол хугацааг оруулах/ тухайн шатны Засаг дарга эсхүл тухайн асуудал хариуцсан яам, холбогдох салбар нэгж/

2.3.4. Шуурхай тээвэрлэлт хийх автозамыг тогтоох, зам болон замын байгууламжийг сэргээн засварлах, бэлтгэх арга хэмжээ

Газар хөдлөлтийн гамшгийн үед шуурхай тээвэрлэлт хийх автозамыг тогтоох, зам болон замын байгууламжийг сэргээн засварлах ажлыг аль байгууллага хариуцаж зохион байгуулах талаар дурдана.

2.3.5. Цэвэр, бохир усны шугам хоолойн байгууламж, эрчим хүчний байгууламж, ахуйн хэрэглээний хийн байгууламж, телефон утасны байгууламж, хөдөлгөөнт холбооны байгууламж, нийтийн тээвэр, төмөр замын газар хөдлөлтийн тэсвэржилт болон аюулгүй байдлыг хангах арга хэмжээ

Дээрх асуудлыг аль байгууллага хариуцаж, газар хөдлөлтийн тэсвэржилт болон аюулгүй байдлыг хэрхэн хангах талаар байгууллага бүрээр нь дурдана.

2.4. Газар хөдлөлтийн гамшгийн бэлэн байдлыг хангах арга хэмжээ

2.4.1. Холбоо, зарлан мэдээллийн сүлжээ, мэдээллийн санг бүрдүүлэх

- 2.4.2. Гал түймэртэй тэмцэх тогтолцоог бүрдүүлэх
 - 2.4.3. Эмнэлгийн тусламж үйлчилгээ үзүүлэх тогтолцоог бүрдүүлэх
 - 2.4.4. Эм тариа, эмнэлгийн материал, тоног төхөөрөмж, цус, цусан бүтээгдэхүүний хангамжийн тогтолцоог бий болгох
 - 2.4.5. Гоц халдварт өвчин гарах, тархахаас урьдчилан сэргийлэх, эрүүл ахуйн халдвар эсэргүүцэх арга хэмжээний зохион байгуулалт
 - 2.4.6. Хог хаягдал, ялгадас цэвэрлэх арга хэмжээний зохион байгуулалт
 - 2.4.7. Цэвэр ус, хоол хүнс, эм, эмийн хэрэгсэл, шатахуун, нэн шаардлагатай эд материалын нөөц бүрдүүлэлт, нөхөн хангалт
 - 2.4.8. Усан хангамжийн тогтолцоог бүрдүүлэх
 - 2.4.9. Нүүлгэн шилжүүлэх, түр хорогдох байрыг бэлтгэх, байршлыг тогтоох
- 2.4.1-2.4.9 дэх арга хэмжээнүүдийг улс, орон нутгийн хэмжээнд ямар байгууллага, алба хариуцаж, бэлэн байдлыг хангах ямар арга хэмжээ авч хэрэгжүүлэх талаар байгууллага, алба тус бүрээр тодорхой тусгана.

ГУРАВДУГААР БҮЛЭГ. ГАЗАР ХӨДЛӨЛТИЙН ГАМШГИЙН ХОР УРШГИЙГ АРИЛГАХ ТӨЛӨВЛӨГӨӨ

3.1. Газар хөдлөлтийн гамшгийн үеийн шуурхай удирдлага зохицуулалт, холбогдох талуудын чиг үүрэг

3.1.1. Гамшгийн үеийн шуурхай удирдлага, зохицуулалт

Газар хөдлөлтийн гамшгийн үед учирсан хор уршгийг арилгах шуурхай удирдлага зохицуулалтыг улсын онцгой комисс хариуцаж, Онцгой байдлын асуудлыг эрхэлсэн төрийн захиргааны байгууллага мэргэжлийн удирдлагаар хангаж ажиллана.

3.1.2. Холбоо, зарлан мэдээллийн үйл ажиллагаа

Гамшгийн аюулын тухай зарлан мэдээллийг Засгийн газрын 2011 оны 339 дүгээр тогтоолын дагуу зохион байгуулах асуудлыг тусгана.

Мөн гамшгийн аюулыг зарлан мэдээлэх дарааллыг дусгана.

3.1.3. Төрийн захиргааны байгууллага, гамшгаас хамгаалах албадын гүйцэтгэх чиг үүрэг

Энэ хэсэгт газар хөдлөлтийн гамшгийн үед төр, захиргааны байгууллагын гүйцэтгэх чиг үүргийг тодорхой заана. Тухайлбал:

Онцгой байдлын ерөнхий газар:

- Газар хөдлөлтийн гамшгийн нөхцөл байдлыг үнэлж, харилцан ажиллагааг зохицуулах;
- Газар хөдлөлтийн гамшгаас хамгаалах бэлэн байдлын зэрэгт шилжүүлэх, цуцлах тухай санал, дүгнэлтийг гаргах;
- Газар хөдлөлтийн гамшгийн үед эрэн хайх, аврах, гал унтраах ажиллагааг удирдан зохион байгуулах;
- Газар хөдлөлтийн гамшгийн аюулаас аврах, хор уршгийг арилгахтай холбогдсон асуудлыг Засгийн газарт тавьж шийдвэрлүүлэх;
- Улсын онцгой комиссыг хуралдуулж асуудал шийдвэрлүүлэх;

- Монгол Улсын Засгийн газрын шийдвэрийн дагуу улсын нөөцөөс бараа материал гаргах, хуваарилах, тээвэрлэн хүргэх ажлыг зохион байгуулах;
- олон улсын байгууллагад хандах хүсэлтийг Засгийн газарт тавих;
- олон улсын хүмүүнлэгийн тусламжийг хуваарилах;
- нөхцөл байдалтай холбоотой мэдээлэл цуглуулах, үндэсний аюулгүй байдлын зөвлөл, аж ахуйн нэгж байгууллага, иргэдийг бодит мэдээллээр хангах.

Эрүүл мэндийн яам: (Эрүүл мэндийн улсын алба)

- Газар хөдлөлтийн гамшгийн нөхцөл байдалтай холбоотой асуудлыг дээд шатны байгууллагаар шийдвэрлүүлэх;
- Газар хөдлөлтийн гамшгийн үед нэрвэгдэгсдэд эмнэлгийн яаралтай тусламж үйлчилгээ үзүүлэх, мэргэжил арга зүйгээр хангах;
- шаардлагатай нөөц бүрдүүлэх, бэлэн байдлыг хангах, хангалт хийх;
- Газар хөдлөлтийн гамшгийн нөхцөл байдлын мэдээлэл цуглуулах, мэдээллээр хангах.

Үйлдвэр, хөдөө аж ахуйн яам: (Хүнс, хөдөө аж ахуйн улсын алба)

- гамшгийн нөхцөл байдалтай холбоотой асуудлыг дээд шатны байгууллагаар шийдвэрлүүлэх;
- шаардлагатай нөөц бүрдүүлэх, бэлэн байдлыг хангах, хангалт хийх;
- гамшгийн нөхцөл байдлын мэдээлэл цуглуулах, мэдээллээр хангах.

Байгаль орчин, ногоон хөгжлийн яам: (Байгалийн болон химийн аюулыг үнэлж мэдээлэх улсын алба)

- Газар хөдлөлтийн гамшгийн нөхцөл байдалтай холбоотой асуудлыг дээд шатны байгууллагаар шийдвэрлүүлэх;
- шаардлагатай нөөц бүрдүүлэх, бэлэн байдлыг хангах, хангалт хийх;
- хими, биологийн холбогдолтой ослын мэдээг орон нутгаас болон олон улсын байгууллагуудаас хүлээн авч мэдээ, мэдээлэл солилцох;
- усны нөөц, уст цэгийн ашиглалт, хангалт хийх, хяналт тавих;
- байгаль, цаг агаарын аюулт үзэгдлийн мэдээ мэдээлэл, сансарын хиймэл дагуулын зургаар хангах.

Эрчим хүчний яам: (Түлш эрчим хүчний улсын алба)

- эрчим хүчний зохицуулалт, цахилгаан эрчим хүчний хангалтанд хяналт тавих, хязгаарлах, түдгэлзүүлэх;
- нэмэлт болон нөөц эрчим хүчээр хангах;
- Газар хөдлөлтийн гамшгийн үед ашиглагдах шаардлагатай нөөц бүрдүүлэх, бэлэн байдлыг хангах, хангалт хийх;
- гамшгийн нөхцөл байдлын мэдээлэл цуглуулах, мэдээллээр хангах.

Барилга хот байгуулалтын яам: (Барилга, хот байгуулалтын улсын алба)

- гамшгийн үед шаардлагатай мэдээлэл, хот байгуулалт, барилга байгууламжийн зураг, төслөөр хангах;
- бүх төрлийн байр зүйн зургаар хангах;
- инженерийн шугам сүлжээ, ундны усны эх үүсвэрийг хамгаалж, хэвийн ажиллах нөхцлийг бүрдүүлэх;
- гамшгийн үеийн геодезийн хэмжилтийн ажил гүйцэтгэх багаж, тоног төхөөрөмжөөр хангах;
- шаардлагатай нөөц бүрдүүлэх, бэлэн байдлыг хангах, хангалт хийх;
- гамшгийн нөхцөл байдлын мэдээлэл цуглуулах, мэдээллээр хангах.

Зам тээврийн яам: (Зам тээврийн улсын алба)

- нүүлгэн шилжүүлэлтийн үед шаардлагатай техник, тээврийн хэрэгслээр хангах;
- авто зам, төмөр замын саад бэрхшээлийг арилгах;
- иргэний агаар, төмөр зам, усан зам болон нийтийн тээврийн хэрэгслийн үүрэг гүйцэтгэх бэлэн байдлыг хангах;
- улс, хот хоорондын авто замын чиглэлийг өөрчлөх, хаах арга хэмжээг тухайн нөхцөл байдалд нийцүүлж авах;
- шаардлагатай нөөц бүрдүүлэх, бэлэн байдлыг хангах, хангалт хийх;
- гамшгийн нөхцөл байдлын мэдээлэл цуглуулах, мэдээллээр хангах.

Мэргэжлийн хяналтын ерөнхий газар: (Мэргэжлийн хяналтын улсын алба)

- Газар хөдлөлтийн гамшгийн голомтод зохион байгуулж буй үйл ажиллагаанд хяналт тавих, дэмжлэг үзүүлэх;
- шаардлагатай нөөц бүрдүүлэх, бэлэн байдлыг хангах, хангалт хийх;
- гамшгийн нөхцөл байдлын мэдээлэл цуглуулах, мэдээллээр хангах.

Цагдаагийн ерөнхий газар: (Хэв журам сахиулах улсын алба)

- Газар хөдлөлтийн гамшгийн үед иргэдийн эрүүл мэнд, амь нас, төр, иргэд, аж ахуйн нэгж байгууллагын эд хөрөнгө, хүрээлэн байгаа орчныг гэмт халдлагаас хамгаалах;
- гамшгийн голомт болон хорио цээрийн бүсэд хамгаалалт зохион байгуулах;
- гамшгийн голомтод гэмт хэрэгтэй тэмцэх, мөрдөн шалгах зорилгоор хууль сахиулах ажиллагаа явуулах, шалтгаан нөхцлийг тогтоох;
- хохирогч, нэрвэгдэгсдийн талаарх мэдээллийг цуглуулах, шалган тогтоох, цогцсыг таниулах ажиллагаа, нэрвэгдэгсдийн талаарх мэдээллийг өгөх;
- гамшгийн голомт, хорио цээрийн бүсэд зорчих хөдөлгөөн, тусгай зориулалтын техник хэрэгслийн хөдөлгөөнд хяналт тавих, дайчлах, шалган нэвтрүүлэх;
- гамшгийн үед гарч болзошгүй үймээн самууны үед дэг журам сахиулах, хөдөлгөөнт эргүүл ажиллуулах, удирдлагын штабыг мэдээллээр хангах;
- шаардлагатай нөөц бүрдүүлэх, бэлэн байдлыг хангах, хангалт хийх;
- гамшгийн нөхцөл байдлын мэдээлэл цуглуулах, мэдээллээр хангах.

Мэдээлэл, шуудан, харилцаа, холбоо технологийн газар: (Мэдээлэл, харилцаа холбооны улсын алба)

- гамшгийн үед харилцаа холбоо, мэдээллийн сүлжээг хууль тогтоомжийн дагуу дайчлах, найдвартай ажиллагаагаар хангах;
- мэдээллийг саадгүй дамжуулах
- гамшгийн голомтод холбоо зохион байгуулах, бэлэн байлгах;
- шаардлагатай нөөц бүрдүүлэх, бэлэн байдлыг хангах, хангалт хийх;
- гамшгийн нөхцөл байдлын мэдээлэл цуглуулах, мэдээллээр хангах.

Засгийн газрын хэвлэл мэдээллийн алба: (Сурталчилгааны улсын алба)

- засгийн газрын шийдвэрийг нийтэд мэдээлэх;
- гамшгаас урьдчилан сэргийлэх, аврах, хор уршгийг арилгах арга хэмжээний талаарх нөхцөл байдлыг мэдээлэх;
- гамшгийн нөхцөл байдлын мэдээлэл цуглуулах.

Батлан хамгаалах яам:

- гамшгийн аюулаас хүн ам, эд юмсыг авран хамгаалах, хорио, цээрийн дэглэм сахиулах;
- аврах, сэргээн босгох ажиллагааны үед хүч, хэрэгслээр дэмжлэг үзүүлэх;
- цэрэг дайны зориулалттай тэсэрч дэлбэрэх хэрэглэлийг аюулгүй болгох;

- цацраг идэвхт болон химийн хордолтыг хоргүйжүүлэх, саармагжуулах
- гамшгийн үед хээрийн эмнэлэг дэлгэн ажиллуулах.
- шаардлагатай нөөц бүрдүүлэх, бэлэн байдлыг хангах, хангалт хийх;
- гамшгийн нөхцөл байдлын мэдээлэл цуглуулах, мэдээллээр хангах.

Гадаад хэргийн яам:

- олон улстай гамшгийн нөхцөл байдлын талаар мэдээлэл солилцох;
- Засгийн газрын шийдвэрийн дагуу гадаад орон, олон улсын байгууллагад хандах;
- олон улсын аврах багийг Монголд ажиллах нөхцөл бүрдүүлэх;
- гадаадын иргэд гамшигт өртсөн үед тухайн улсын элчин сайдын яам, холбогдох байгууллагад мэдээлэх;
- шаардлагатай нөөц бүрдүүлэх, бэлэн байдлыг хангах, хангалт хийх;
- гамшгийн нөхцөл байдлын мэдээлэл цуглуулах, мэдээллээр хангах.

Сангийн яам:

- Засгийн газар, улсын онцгой комиссын шийдвэрээр гамшгаас хамгаалах үйл ажиллагааг санхүүжүүлэх;
- улс орны санхүү, эдийн засгийн байдал хүндэрсэн үед хэрэгжүүлэх үйл ажиллагааг төлөвлөх;
- олон улсын аврах баг, хүмүүнлэгийн тусламж, аврах багаж, тоног төхөөрөмж, техник хэрэгслийг улсын хилээр орох, гарах асуудлыг шуурхай шийдвэрлэх;
- олон улсын байгууллага, хандивлагч орны аврах баг болон тусламжийн бараа материал, техник, тоног төхөөрөмж, аврах багаж хэрэгслийн татвар, хураамжтай холбоотой асуудлыг зохих журмын дагуу шийдвэрлэх.

Хууль зүйн яам:

- үүссэн нөхцөл байдалтай уялдуулан ажиллах эрх зүйн орчинд шаардлагатай зохицуулалтыг шуурхай авч хэрэгжүүлэх;
- нийтийг хамарсан үймээн, самууныг гаргахгүй байх талаар урьдчилан сэргийлэх арга хэмжээ авч, биелэлтэд хяналт тавьж ажиллах;

Хүн амын хөгжил, нийгмийн хамгааллын яам: (Хүн ам, нийгмийн хамгааллын улсын алба)

- хүүхдийн эсрэг жендэрээс үүдэлтэй хүчирхийллээс хамгаалах ажлыг зохион байгуулах;
- хүүхдийн аюулгүй байдал, язгуур эрх ашгийг хамгаалах арга хэмжээг авах;
- эмзэг бүлгийн хүүхэд, хараа хяналтгүй эцэг эх, гэр бүлээс тусгаарлагдсан хүүхдүүдэд хүмүүнлэгийн тусламж үзүүлэх, тэднийг таньж тогтоох, бүртгэж тооцоо гаргах ажлыг зохион байгуулах;
- түр байрны нөхцөлд эхний ээлжинд хүүхэд, эмэгтэйчүүд, хөгжлийн бэрхшээлтэй иргэдийг ундны ус, хоол тэжээлээр хангахад анхаарал тавьж ажиллах;
- онцгой байдлын үед олон нийтэд үзүүлэх нийгэм сэтгэл зүйн дэмжлэг үзүүлэх ажлыг зохион байгуулах;
- нүүлгэн шилжүүлэх ажиллагаанд (иргэний бүртгэл, мэдээллийн бүлэгт) дэмжлэг үзүүлэх;

Иргэний нисэхийн ерөнхий газар:

- Газар хөдлөлтийн гамшиг тохиолдсон үед гадаад орнуудаас ирэх тусламжийн бараа материалыг түр хадгалах байр савыг бэлтгэх, тэдгээрийг норгох, хөлдөөх зэргээр чанар байдлыг алдагдуулахгүй байх;
- “Чингис хаан” олон улсын нисэх буудал, нисэх зурвас, талбай газар хөдлөлтийн гамшигт өртөж удаан хугацаанд сэргээн босгох шаардлага гарсан тохиолдолд

нөөц буудал (аэродромууд)-ыг урьдчилан төлөвлөж, дээрх шаардлагуудыг хангуулах;

- гамшгийн дараах үед гадаад, дотоодын сурвалжлагч нарт мэдээлэл хийх, өрөө тасалгааг тоноглогсон байх, бусад шаардлагатай зүйлсийг бүрдүүлж, бэлтгэсэн байх;

- тохиолдсон гамшгийг арилгахад туслахаар хүрэлцэн ирсэн гадаад орнуудын аврах багийг түргэн хугацаанд саадгүй нэвтрүүлэх (хил, гаалиар аврах багаж хэрэгсэл, аврагч ноход, түр байр, хүнсний зүйлс);

- тусламжийн бараа материалыг татаж авах үүргийг гүйцэтгэх онцгой байдлын асуудал эрхэлсэн байгууллагын албан хаагч, аврагч нарыг аэродромын бүсэд шуурхай нэвтрүүлэх арга хэмжээг урьдчилан төлөвлөсөн байх;

- олон улсын иргэний агаарын тээврийн байгууллагатай хамтран ажиллаж, мэдээлэл солилцох, шаардлагатай тохиолдолд агаарын тээврийн хөдөлгөөнд зарим зохицуулалтыг хийх;

- осолдсон агаарын хөлгийг эрэн хайх, нислэг техникийн осол зөрчлийг шинжлэх, шалгах үйл ажиллагааг зохион байгуулах, осол сүйрлийн шалтгааныг шуурхай тогтоох;

- нэрвэгдэгсдийг шаардлагатай газар руу агаараар тээвэрлэх;

- Иргэний нисэхийн ерөнхий газар нь өөрийн аюулгүй байдал, хамгаалалтын алба, нисэхийн цагдаагийн хэлтэстэй хамтран гамшгийн үед нисэх буудлын орчимд хамгаалалтын бүс, хорио цээрийн дэглэм тогтоож, сахилга, дэг журмыг чангатгах арга хэмжээг төлөвлөгөөний дагуу авч хэрэгжүүлэх.

Хил хамгаалах ерөнхий газар:

- хилийн бүс, зурваст гарч болох гамшгийн үед хор уршгийг арилгахад шаардлагатай арга хэмжээг авах;

- шаардлагатай тохиолдолд хил хамгаалах байгууллагын анги, салбараас хүн хүч, техникийн туслалцаа үзүүлэх;

- гадаад орнуудын аврах баг, тэдгээрийн тоног төхөөрөмж, техник хэрэгслийг зохих дүрэм, журмын дагуу улсын хилээр саадгүй нэвтрүүлэх.

Тагнуулын ерөнхий газар:

- Газар хөдлөлтийн гамшгийн аюул Монгол улсын Үндэсний аюулгүй байдалд нөлөөлөх нөлөөллийг тодорхойлох;

- техникийн холбогдолтой осол, химийн хорт бодисын нөлөөлөл үүссэн үед нөхцөл, шалтгааныг тодорхойлох;

- ҮАБЗ, Засгийн газрыг мэдээллээр хангах;

- үүссэн нөхцөл байдалтай холбогдсон санал боловсруулах, шийдвэр гаргах;

- террорист ажиллагааны үед сөрөг тусгай ажиллагаа зохион байгуулах;

Шүүхийн шийдвэр гүйцэтгэх ерөнхий газар:

- гамшгийн улмаас эмх замбараагүй байдал үүсэхээс урьдчилан сэргийлэх, таслан зогсоох, хамгаалах ажиллагааг зохион байгуулах;

- гамшгийн үед хоригдогсдын аюулгүй байдлыг хангах, нүүлгэн шилжүүлэх ажлыг зохион байгуулах;

- гамшгийн хор уршгийг арилгах ажиллагаанд хоригдогсдыг дайчлах;

Төмөр замын хэрэг эрхлэх газар:

- төмөр замд үүссэн нөхцөл байдлыг үнэлэх, арга хэмжээний санал боловсруулах;

- олон улсын төмөр замын байгууллагатай хамтран ажиллаж мэдээлэл солилцох;

- осол сүйрлийн шалтгааныг шуурхай тогтоох, сэргээн босгох;

- нэрвэгдэгсэд, хүмүүнлэгийн тусламжийн бараа, материалыг тээвэрлэх.

Нутгийн захиргааны байгууллага:

- Газар хөдлөлтийн гамшгаас хамгаалах бэлэн байдлын зэрэгт шилжүүлэх, гамшгаас хамгаалах төлөвлөгөөг хэрэгжүүлэх;
- орон нутгийн гамшгаас хамгаалах хүч хэрэгслийг үүрэг гүйцэтгүүлэх;
- байгууллага хоорондын харилцан ажиллагааг уялдуулан зохицуулах;
- дээд шатны байгууллагыг мэдээллээр хангах;
- шаардагдах хүн, хүч хэрэгслийг орон нутгаас дайчлан гаргах, хангалт зохион байгуулах;
- гамшгийн голомтоос хүн ам, эд хөрөнгө, мал амьтныг нүүлгэн шилжүүлэх ажиллагааг зохион байгуулах.

3.1.4. Гамшгаас хамгаалах дайчилгааг зохион байгуулах

Гамшгаас хамгаалах дайчилгааг Засгийн газрын 2011 оны 340 дүгээр тогтоолын дагуу зохион байгуулах асуудлыг тусгана.

3.1.5. Мэдээ, мэдээллийг дамжуулах, хүлээн авах

Гамшгийн үед мэдээ, мэдээллийг ямар дарааллаар хэрхэн иргэдэд хүргэх, гамшгийн шуурхай удирдлага зохицуулалтыг мэдээ, мэдээллээр хэрхэн хангах, ямар байгууллага хариуцан гүйцэтгэх талаар дурдана.

3.1.6. Хүмүүнлэгийн тусламжийн зохицуулалт

Гамшгийн үеийн олон улсын болон хүмүүнлэгийн тусламжийг аль байгууллага хариуцаж, хэрхэн зохион байгуулах талаар Гамшгаас хамгаалах тухай хууль болон бусад холбогдох журамд нийцүүлэн тусгана.

3.2. Гамшгийн голомтод авч хэрэгжүүлэх арга хэмжээ

3.2.1. Гамшгийн голомтод ажиллах хүч хэрэгслийн зохион байгуулалт

Гамшгийн голомтод ажиллах мэргэжлийн байгууллага, иргэд, сайн дурынхан, дайчлагдан ажиллах хүч хэрэгслийн зохион байгуулалт, удирдлага зохицуулалтаар хэрхэн хангах талаар тусгана.

3.2.2. Гал түймэртэй тэмцэх үйл ажиллагаа

Гамшгийн үед хавсран тохиолдох гал түймэртэй тэмцэх үйл ажиллагааг хэрхэн зохион байгуулах талаар дурдана.

3.2.3. Эрэн хайх, аврах, яаралтай тусламж үзүүлэх ажиллагаа

Гамшигт нэрвэгдэгсдийг эрэн хайх, аврах ажиллагаа, эмнэлгийн яаралтай утсламж үзүүлэх арга хэмжээг аль аль байгууллага удирдаж болон хамтран зохион байгуулах талаар тусгана.

3.2.4. Хэв журам сахиулах арга хэмжээ

Гамшгийн үед үүсэх эмх замбараагүй байдал, олон нийтийн хэв журмыг аль байгууллага хэрхэн сахиулах талаар дурадана.

3.2.5. Нөхөн хангалт зохион байгуулах

Гамшгийн голомтод ажиллаж байгаа хүч хэрэгсэлд шаардлагатай хоол хүнс, шатахуун, техник тоног төхөөрөмж, эд материал, бусад шаардлагатай зүйлсийг аль байгууллага хариуцан зохион байгуулах асуудлыг тусгана.

3.3. Эмнэлгийн хангалтыг зохион байгуулах ба нэрвэгдэгсдэд эмнэлгийн яаралтай тусламж үзүүлэх арга хэмжээ

3.3.1. Эмнэлгийн яаралтай тусламж үзүүлэх арга хэмжээ

3.3.2. Эм, эмнэлгийн хэрэгсэл, цус, цусан бүтээгдэхүүн, ороох, боох материалын хангалт

3.3.3. Нүүлгэн шилжүүлэх болон түр хорогдох байрны эмнэлгийн тусламж үйлчилгээ

3.4. Нүүлгэн шилжүүлэх арга хэмжээг зохион байгуулах

3.4.1. Нүүлгэн шилжүүлэх бүсийн төлөвлөлт, удирдлага, зохион байгуулалт

3.4.2. Нүүлгэн шилжүүлэх арга хэмжээг зохион байгуулах

3.4.3. Нүүлгэн шилжүүлэх бүсэд хүнс, материалын хангалтыг зохион байгуулах

3.5. Ариун цэвэр, халдвар судлал, хог хаягдал, хүрээлэн буй орчны талаар авах арга хэмжээ

3.5.1. Эрүүл ахуй, халдвар эсэргүүцэх арга хэмжээ

3.5.2. Ахуйн болон барилгын хог хаягдал, ялгадас цэвэрлэх, зайлуулах арга хэмжээ

3.5.3. Хүнсний эрүүл ахуй, хоолны хордлогоос урьдчилан сэргийлэх арга хэмжээ

3.5.4. Шарилыг таниулах, байршуулах, оршуулах арга хэмжээ

3.3-3.3 дахь хэсэгт заасан арга хэмжээг аль байгууллага хариуцан болон хамтран зохион байгуулах талаар хэсэг тус бүрээр тодорхой тусгана.

ДӨРӨВДҮГЭЭР БҮЛЭГ. ГАЗАР ХӨДЛӨЛТИЙН ГАМШГИЙН ДАРАА ХОЙШЛУУЛШГҮЙ СЭРГЭЭН БОСГОХ ТӨЛӨВЛӨГӨӨ

4.1. Хүн амын нийгмийн асуудлыг шийдвэрлэх

Хүн амын эрүүл мэнд, боловсрол, амьжиргаа, орон байр болон бусад нийгмийн асуудлыг хэрхэн шийдвэрлэх талаар энэ хэсэгт тодорхой дурдана.

4.2. Гамшгийн хохирлыг тогтоох, хойшлуулшгүй сэргээн босгох үйл ажиллагааг зохион байгуулах

Энэ хэсэгт газар хөдлөлтийн гамшгийн улмаас учирсан хохирлыг үнэлэх, хэрэгцээг тодорхойлох, улс орны нийгэм, эдийн засгийн хэвийн үйл ажиллагааг хангах чиглэлээр хэрэгжүүлэх арга хэмжээг хариуцах болон хамтран хэрэгжүүлэх байгууллагын хамт дурдана.

4.3. Хойшлуулшгүй сэргээн босгох, сэргээн босголтын ажлын ерөнхий шат дараалал

Гамшгийн хохирол, хэрэгцээний үнэлгээнд үндэслэн хэрэгжүүлэх арга хэмжээг эрэмбэлж, сэргээн босгох арга хэмжээний ерөнхий шат дарааллыг тодорхойлно.

4.3.1. Хойшлуулшгүй сэргээн босгох, сэргээн босголтын ажлыг эхлүүлэх тогтолцоог бүрдүүлэх (Газар хөдлөлт болсноос 14 хоногийн 1 жил хүртлэх хугацаанд)

4.3.2. Сэргээн босгох ажлын үндсэн чиглэлийг тогтоох (14 дэх хоногоос 2 сарын хугацааны хооронд)

4.3.3. Сэргээн босгох ажлын үндсэн төлөвлөгөөг боловсруулж баталж хэрэгжүүлэх (2 сар~1 жил)

4.3.1-4.3.3 дахь хэсэгт заасан арга хэмжээг хэрхэн зохион байгуулах талаар хэсэг тус бүрээр тодорхойлно.

Дөрөв. Газар хөдлөлтийн гамшгаас хамгаалах төлөвлөгөөг боловсруулахад анхаарах асуудлууд

- Төлөвлөгөөг боловсруулахдаа Монгол Улсын гамшгаас хамгаалах төлөвлөгөө, Газар хөдлөлтийн гамшгаас хамгаалах орон нутгийн болон улсын албадын төлөвлөгөөтэй уялдуулах, төлөвлөгөөг хэрэгжүүлэхэд оролцогч бүх талуудын төлөөллийг оролцуулах;

- Газар хөдлөлтийн эрсдэлийг үнэлгээ, хохирлын төсөөлөл дээр үндэслэн боловсруулах

- Онцгой байдлын ерөнхий газар, Онцгой комисс, Улсын болон орон нутгийн гамшгаас хамгаалах алба, бусад холбогдох байгууллагуудын хэрэгжүүлэх арга хэмжээг нарийн тусгах, хүч хэрэгслийн тооцоог нарийвчлан тооцох;

- Байгууллагуудын харилцан ажиллагаа, удирдлага зохицуулалт, хүч хэрэгслийн чадавхыг сайтар тооцох;

- Газар хөдлөлтийн гамшиг тохиолдсон үед хаанаас, ямар хүч, хэрэгсэл, хэдий хугацаанд гарч үүрэг гүйцэтгэхийг тусгайлан тодотгох;

- Бусад холбогдох, хууль, дүрэм журам, зааврыг нарийн судлах.